

黔南叢書

第一集第一冊

K297-3
224
1:1

古今
齊

世
書

黔南叢書第一集第一種

維漢易談

民國壬戌授獨山莫氏刊本校印

淮海易譚自序

孫應鰲曰易者何也以著天地萬物之理也天地萬物之理妙於人心故易著天地萬物之理以明心也古之聖人生而明諸心矣欲人人皆明諸心不可得於是著易之書爲經書不過語語之所貴者意意之所貴者不可以無言晦不可以有言傳故得其所以言則傳不得其所以言則晦傳則得其所以爲心晦則失其所以爲心非得自外得自我也自經之意晦而無傳於是諸大儒又出疏易之經爲傳愚自學易嘗求諸大儒之說於

傳求諸大聖人之說於經未窺測也已乃因傳以求經
因經以求心浸浸乎若有窺測矣而未能見曉已乃反
之於心略其所有言與无言涵泳之優游之日用起處
罔不念斯久之則若諸大儒之意若可起於衷諸大儒
之語若可出諸口而諸大聖人著經之意卽若可不遠
於吾心噫嘻天地得易以清以寧萬物得易以生以成
吾人得易上下四方往古來今罔不畢臻心之理若是
至精至純至大至一也耶得其心斯得其理天地萬物
合爲一體固諸大聖人所以立教諸大儒所以修教吾

人所以由教意之貴而可傳者深矣猶然與俱行嗒然
與俱忘繼自今請以終身者必在是易也夫隆慶二年
戊辰中秋日

尙書文恭孫公應鼇傳

泰和郭子章

孫應鼇字山甫清平衛人生之日適衛人饋六鯉因以
名就塾受業日誦數千言正襟危坐務解大義年十九
以儒士應試督學徐公樾一見大奇之許必魁多士放
榜果中第一人嘉靖癸丑成進士選庶吉士改戶科給
事中出補江西僉事流賊起公捍禦有方一道晏然時
九江三百人誤坐賊黨公一言出之遷陝西提學副使
公實意作人身先爲範嘗與耿楚侗公書云世道理亂

關於人才人才成就係於師道人人能言之至師道之以稱職名於時者勤力較閱品評不爽已耳獵名詞華馳譽經學已耳某意不然嘗考諸荀子曰師術有四傳習不與焉尊嚴而憚可以爲師耆艾而信可以爲師誦說而不陵不犯可以爲師知微而論可以爲師此荀子大醇之言似矣而未盡也孔子曰溫故知新可以爲師此則萬世師道之極則也溫故知新學者多以所聞所得爲解某妄意爲故者當如孟子言性則故之故新者當如大傳日新盛德之新凡天下萬物之實體燦然具

陳故也其真機昭然不息新也二者雖有顯微其總括
於人心運行於人心生生之妙一也能溫則實體之總
括不晦能知則真機之運行者不滯不晦不滯則天地
萬物合爲一體則仁仁則成已成物位育參贊皆其能
事成已成物者師道也師職也故子思作中庸亦以溫
故知新承聖人發育峻極之大道此孔氏家法也故某
妄以孔子溫故知新之旨爲孔子示人萬世師道之極
則者此也公在秦所取士悉一時名碩遷四川右叅政
土夷薛兆乾執叅將賀慶以叛都御史谷公中虛問計

公曰叅將與天子孰輕昔英宗北狩于肅愍數語國威
益振卒返英廟今者豈恤一叅將耶谷從公議擒兆乾
磨竟免於害隆慶改元陞僉都御史巡撫鄖陽以上方
冲年蒞政伊始防杜宜蚤乃因境內災疏請勤學勵政
親賢遠奸等十事上嘉納之太和提督巨璫爲民蠹公
劾其欺悖貪謬狀上爲斥逐既而疏懇乞骸歸萬歷初
詔復起撫鄖陽時詔書錄建文死事諸臣至革除事人
皆諱言之公推衍德意上疏曰褒揚人之子必先其父
則子之心安故褒揚人之臣必先其君則臣之心安建

文諸臣委質致身志節甚偉陛下深爲恤錄眞厚幸矣
但建文君未沾曠絕之典恐諸臣有知且不能安受地
下亟復位號量擬諡法事有繫空名而輿論悉歸人心
愈固者此類是也孔子作春秋每年必書每時必書見
天道王政上下維屬不可缺也建文君在位凡四年書
以革除舉其事綴附洪武間名實紊淆軌跡惑貳何以
補國家信史之缺疏奏畱中舉朝目爲昌言甲戌入爲
大理卿丁丑陞戶部右侍郎改禮部掌國子監祭酒事
公在監雅意持風化作人才倣呂公枬遺意疏言舉人

率多回籍自便以入監卒業爲耻不知當其在籍師儒之訓弗及憲臣之令弗加閭黨矜其資望有司遇之隆重身靡所檢而易蕩及入官材質日壞莫可如何矣宜徵天下舉人悉入監祖宗設太學非舉貢非勳胄恩廕不入祭酒司業爲朝廷作人於內提學爲朝廷作人於外必在內樹風教而後在外振紀綱今提學所擯斥者盡歸之太學倒置若此則太學毋乃爲生員不才者之逋逃藪與甚且至愚不肖資貨一入咸廁其中太學之汚穢極矣疏上悉著爲令丙子八月駕幸太學公舉虞

書無逸章進講上嘉納命坐賜茶蓋曠典云尋以病予告築學孔精舍於西城之陽起刑部右侍郎尋陞南工部尙書卒賜祭塋萬歷壬寅賜諡文恭所箸有易談四書近語教秦緒言雍諭學孔精舍彙稿續稿春秋節要律呂分解等集傳世蠧衣生曰予督學川中川中故有大儒祠祀周元公二程子張敬夫魏了翁諸公至明止祀合州鄒吏目卽司馬長卿楊子雲不得與焉蓋愼之矣予至始祀公及趙大洲先生予師胡廬山先生趙內江人公與先師後先宦於蜀人嘖嘖無異議云予入黔

式先生之墓問其嗣斬焉弗續爲請諡於朝嗚乎伯道
亡兒中郎有女從古如茲寧獨先生

黔南叢書

第一集

淮海易談

四卷

明清平孫應鰲著

易箋

八卷

清安平陳法著

儀禮私箋

八卷

清遵義鄭珍著

孫文恭公小傳

黔詩紀略

獨山莫友芝

先生字山甫號淮海其先自南直如皋來爲清平衛官
遂世爲清平人舉嘉靖二十五年鄉試第一三十二年
進士選庶吉士改戶科給事中出爲江西按察司僉事
遷陝西提學副使晉四川右參政隆慶改元擢僉都御
史撫治鄖陽罷歸萬厯初起故官二年入爲大理卿明
年晉戶部右侍郎改禮部充經筵講官掌國子監祭酒
事逾二年以病引告十三年起刑部右侍郎尋晉南工

部尙書年五十□卒賜祭葬贈太子太保諡文恭學者
稱淮海先生淮海生之日衛人饋六鯉於父郡丞衣因
以名就塾日誦數千言正襟危坐務解大義年十九試
儒士督學貴溪徐樾大奇之許必魁多士放榜果中第
一人僉事江西流賊起捍禦有方一道晏然九江三百
人誤坐賊黨一言出之提學陝西實意作人身先爲範
嘗與楚黃耿定力書云世道理亂關於人才人才成就
係於師道人人能言之至師道之以稱職名於時者力
勤較閱品評不爽已耳獵名詞華馳譽經學已耳某意